



UNIVERSITÄTS-
BIBLIOTHEK
PADERBORN

Universitätsbibliothek Paderborn

**S. Avrelii Avgvstini Hipponensis Episcopi Et S. R. E.
Doctoris Vita**

Lancilottus, Corneille

Antverpiæ, 1616

Cap. XXXVIII. Absolutissima libris eius inest doctrina: principes eisdem
oblectari soliti.

urn:nbn:de:hbz:466:1-42857

CAPVT XXXVIII.

*Absolutissima libris eius inest doctrina.
Principes eisdem oblectari soliti.*

CETERVM inest operibus illius tam accurata doctrina, & ad se Lectorem pertrahēs elegancia, vt ipsi Principes eiusce scriptis vehementer fuerint olim delectati.

Carolus Magnus dolens literarum studia non ad maturitatem peruenire, desiderauit habere XII. Clericos ita religiosos, simulque omni sapientiā tam perfecte instructos,

quā fuere Augustinus & Hieronymus; cui Alcuinus facere ita respondisse fertur:

Creator cæli & terræ, plures non habuit; & tu vis habere duodecim? Is idem Imperator, eos præsertim libros D. Augustini, inter

cœnandum & prandendum (ad instar monachorum) legi curabat, qui De ciuitate Dei inscribuntur. His tamen libris ita Augustinus incubuit, vt neque cura pastoralis

a sapientiæ studio eum retraheret, neque rursus amor sapientiæ, pastoris sollicitudinem imminueret.

Sunt imagines quædam tam affabre deductæ in sulcos quosdam ac discretæ, vt spectantibus oblique, virginem pictam referant; sin ex aduerso respicias, appensum cruci Saluatorem exhibent; sin ex

tertio latere contempleris, horrificæ mortis ideam

*Libri D. Augustini
in primis
cipibus in
deliciis.*

*Eginhart
& Paulus
Aemilius
in Vitâ eius.
H. Cranz
lib. 2. De
ciuit. cap. 8.
P. Gregor.
in suâ Rep.
lib. 7. c. 10.
& alij.*

ideam repræsentant. Simile hisce tabulis in D. Augustino videre licet: nam & Ecclesiæ gubernationi sic affixus fuit, ac si literis numquam vacasset, & tot ingenij monumenta tamque multiplicia reliquit, ut nihil aliud per omnes vitæ dies egisse videatur. Mirabile videri cuius hoc debet, unum hominem tam variè tamque copiosè scripsisse, tot impedimentis, quæ munus Episcopale circumstant, præoccupatum, ut omittam reliquas vitæ necessitates. Ac mihi quidem, ut & aliis, placet ista sententia, quemadmodum Apostoli, Deo intus agente, sic locutum Augustinum pleraque fuisse, eodem Doctore commentatum esse, eodem dictante tam ingentia volumina excepisse.

D. Augustinus Deo agente locutus est & scripsit.

CAPVT XXXIX.

Ad B. Augustini sententiam, velut ad Oraculum, ex orbe toto concurritur.

QVARE ex omnibus ferè orbis terrarum partibus Doctores, Episcopi, ipsi denique summi Pontifices quæstiones suas explicandas Augustino deferebant, eum ad Concilia Pontifices inuitabant, ex illius sententiâ condebant decreta, ipsum Synodis præficiebant: scientes, quòd tametsi non decissent primariæ sanctitatis ac eruditionis viri, ipsius tamen Augustini præsentia maxime